

四庫全書存目叢書編纂委員會編

齊魯書社

四庫全書存目叢書

集部
第三一冊

責任編輯：孫言誠 賀 偉

ISBN 7-5333-0615-5



EB47/05

四庫全書存目叢書·集部三一

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 48.75 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第三一冊目次

集部·別集類

歲寒集二卷附錄一卷

〔明〕孫瑀撰
北京圖書館藏明嘉靖七年孫嘏刻本

一

芳洲文集十卷附再和東行百詠集句一卷芳洲先生年譜一卷

〔明〕陳循撰 年譜 〔明〕王翔撰
故宮博物院圖書館藏明萬曆二十一年陳以躍刻本

七一

東行百詠集句九卷〔存六卷〕

〔明〕陳循撰
北京圖書館藏明刻本

三五〇

重刻襍線集二十卷附南行紀詠二卷贈言四卷

〔明〕蕭儀撰
江西省圖書館藏清乾隆五年重刻本

三九五

石溪周先生文集八卷

〔明〕周敘撰
蘇州市圖書館藏明萬曆二十三年周承超等刻本

五二二

歲寒集二卷附錄一卷

〔明〕孫瑀撰

北京圖書館藏明嘉靖七年孫瑀刻本

附《四庫全書總目·歲寒集二

卷》提要

歲寒集序

歲寒集若干卷南京吏部尚書孫君
孚吉暨其兄正吉爲其祖兵部尚書
公刻也公在官所著詩文若干篇自
題曰歲寒拙稿往歲嘗刻於浙江吏
部尚書魏文靖公兵部侍郎王公士
英國子祭酒陳公敬宗皆有序及致
仕以後不倦酬答而類多散佚其子
贈都察院右副都御史惟勤旁爲蒐
輯得爲篇若干而總名曰歲寒集歲
寒山名公始遷地因以爲號者也正
吉之子景官內閣中書因吏部君之
壻今閣老太子太保費君子克以請
于予予惟文武既判各專其業雖隨
陸絳灌不能以相兼至或不相爲用
則挽二石弓者有識字之譏封萬里

侯者不能無按筆之憾以為恒病

國朝文武並置武之職不得以與乎文而文得以與乎武然兼資而兩盡者寔難其人公以文學取科第歷禮部儀制主事郎中河南右叅政浙江左布政使擢兵部侍郎進尚書鎮守浙江福建蓋自宋樂乙未至天順丁丑歷

歲集序

卷一

累朝四十餘年而後歸其為郎署掌朝貢燕饗出采輿地事蹟入史館與修實錄皆文之事為藩省督屯田水利總預備倉出納察姦吏懲健訟亦儒臣常職披吟諷詠固宜有餘力焉若北狩東征皆在扈從有功伐及溫處盜起朝廷命將師又無功方下招撫之令而公獨主戰請調倭倭官兵往平之為

列卿金華賊僭號奮力出剿擒九千

餘人斬首不可勝計寧紹尤溪俞高官臺諸賊相繼殄滅者又若干人當其運籌畫計晨夕不少暇折衝陷陣擐甲冒矢石死生呼吸之際意氣所激情興所寄亦不能無非其才之優而然乎公之詩平正通達意深韻雅無鉤棘險怪之態雖宦途公次校

歲集序

卷一

之山林巖穴無甚相遠是非獨文武之自相為用用舍進退之間亦有通而不滯者則其平生之所養亦可以觀已公勲業在東南當

國家多事瘡痍困敝之民老子長孫感戴恩德至相與刻其詩以傳獨天下之人知公之功或未見其所為詩者孔子論尚友必曰誦其詩是詩之傳

亦無可少哉獨年寡陋不能識公之
蘊有規於文靖諸公未足爲斯集重
爾公諱瑀字原貞以字行饒之德與
人卒時年八十有七

正德三年三月吉旦

賜進士第特進光祿大夫左柱國少師兼

太子太師吏部尚書

華蓋殿大學士致仕長沙李東陽序

東陽集序

卷一

歲寒拙稿序

文章固爲儒者之一藝然其言能本諸
聖賢之道足以扶世立教化今傳後者
則不可無也是集者今鎮守浙江兵部
尚書喬陽孫公之所著公嘗自題曰歲
寒拙稿者是也公自少游庠序進德之
餘於經史子集無所不讀以其蘊蓄之
富發之爲文章其步驟率多出入韓柳
歐蘇不立異以倍道不騁奇以衛俗溫
厚和平明白正大悉於仁義道德是歸
俾寘諸今作者之林有不知孰爲先孰
爲後者此公之文也殊不知公自膺鄉
薦爲進士爲郎署出臨藩閫爲大叅爲
方伯入爲大司馬至妙膺簡畀累鎮方
岳數歷中外將五十年之久於忠於義
始終一心其間若雍容廟堂垂紳正笏

以綜理大政衝冒矢石料敵制勝以度
劉大愬暨建大議定大策上致

聖德日敷下致民生日遂與古昔大臣有
猷有爲名垂竹帛者殆不多讓是知文
章特又爲公之餘事耳由是而觀則公
可不謂之立德立功立言三者純備以
爲一代豪傑之士哉欲求公之爲人者
要不可專以文章爲足以盡公之才也

是集也予得披閱之於公同門前福建
提刑按察使方公載道所健羨之頃念
與公爲斯文交者非一日且相知惟深
故不揣蕪陋姑僭爲之序云公名瑀字
原貞以字行番陽之德興人

景泰六年九月初吉資善大夫南京吏
部尚書致仕蕭山魏驥序

大司馬孫公文集序

歐陽文忠公有言君子之學或施之
事業或見於文章常患乎難兼予竊
異之以爲斯言也不過爲尋常庸碌
之士而發若夫志在遠大高明不爲
流俗所羈者於文學政事未必不兼
而能之若今兵部尚書江右孫公殆
所謂文學政事之兼能者矣公自未

樂中以明經登進士第由禮部郎中
陞河南參政又陞浙江布政進無部
侍郎再進尚書前後四十年間聞望
在天下比因閩浙盜起

天子知公在浙得人心可大受

命公綜理軍務便宜撫捕公開心見誠
指示可生之路未嘗逞威妄殺而一
時寇竊之徒相與潛蹤歛跡或自出

軍前聽招撫受約束全活不可勝數
朝廷知公之功大累降

書褒論兼有白金綵段楮幣之賜士無
賢不肖莫不咨嘆以公之才識通敏
量度優容措諸政也非如世之文法
吏守常而不知變者比可與經濟患
難可與輯綏鎮靜保障屏蔽其當大
任非倖也宜矣然公雖樹此豐功致

此通顯謙抑而不居恬退而不伐今
年已七十華髮蒼顏被服儉素畧無
一毫貴富態與之考德論事研究天
人之說矻矻窮日夜不少休養泰歲
之乙亥公自浙來朝京師予往拜於
寓舍請益不鄙謂予庶幾可進於道
者出示平昔所爲文章及在兵間區
畫一切賊情戎事方畧奏議書數摺

誦再四何其言之藹和意之曲盡其
妙也夫志得意滿者其辭誇以浮抑
鬱不平者其辭怨以對是皆不得其
正雖工不足以傳公功大而位高形
於語言文字之間嚴重典實初不佞
屈聲牙舌爲奇放曠流蕩旨爲達而
理與意瞭然明白而無疑如著草臺
賦謁協忠廟文牧羊者對味琴醉琴
記漢高祖過魯呂大宰祀孔子論皆
理趣深長發前人所未發其他諸作
又皆辭意兼到於乎若公者不謂之
文學政事兼優者哉古之人太上立
德其次立功其次立言三者有一焉
可垂不朽公德足渥一身功業在天
下文章又得其正如此世之全才士
之不器非公吾誰與歸已公文學政

事之兼優異於尋常庸碌之士非志
在遠大高明不為流俗所羈者能之
乎言行出乎古人聲光垂於不朽此
公平素抱負天下之士以此期公予
之所願學於公而未能者又在此也
予荷公愛重既聆其誨論復誦其文
辭莫大之幸敢僭書斯言以寓景仰
之意云時

景泰六年乙亥九月之吉

賜進士第嘉議大夫兵部侍郎湘川王
偉序

大司馬孫公文集序

大司馬孫公文集若干卷自

朝廷應制中外歷官省方撫民吊古平
寇以及四方賢達所請若碑銘序記頌
贊詩歌騷詞輓章之類諸體咸備溫潤
端實雅健典則大篇之春容短章之精
潔或如冠冕珥玉可登

廟堂以為

皇猷之黼黻或如鍾磬祝敵可薦

郊廟以為盛德之形容或如敕粟布
帛可以衣被生民俾之飽德而敦化或
詞嚴義正可勵在位者之貪墨各隨所
遇而發之於文章蓋炳乎蔚然誠一代
之傑作也何其盛歟夫文章與政事相
資文非政事則無以著其實政事非文
則無以傳諸後五經之文道德政事之

八萬百世仰之不可尚矣下逮兩漢唐宋若賈董司馬遷韓柳歐蘇諸君子之作皆當時致君澤民切實政事之言足爲後世法則今觀孫公之作蓋有志方駕古人於後先非苟作也公自未樂進士授禮部郎中陞河南叅政浙江布政進兵部侍郎再進尚書

竊厥功甚大歷事

列聖皇帝四十餘年小心慎密罔有失德於凡

朝廷禮樂刑政綱紀法度固已稔聞而熟見之者況又兩柄雄藩之政甘棠所憩得以歷覽名山大川之雄秀足以擴充其器宇宏博其德量致名位之益隆才識之益鉅蓋老於文學之君子也宜

其著述之富散見於先賢先正忠臣孝子貞女烈婦節義之祠墓焉誠藹乎其有德之言也其視雕鏤粉繪聲聲世俗之耳目者可得而比倫哉夫縉紳之高位恒患文章政事不能兼也政事有餘而文學不足則無以援古證今或失之俗文學有餘而政事不足則無以臨大事決大議或失之迂今公政事如是

其卓卓也文章如是其炳炳也其不謂之兼而有之可乎哉使其密勿

廟堂叅贊化育於都兪吁咈之間其功烈又豈止於如是而已哉予追昔隨侍先君尹於德興之日公與予皆在髫髯其後同仕于

朝情甚厚而不薄也今承辱示盛作且以序文相屬公舊人也安敢以不敏辭

遂書此序其首簡觀者幸勿謂其僭冒
焉公名瑀字原貞番易德興人也是為
序

天順元年夏五月既望 朝請大夫贊
治少尹南京國子致仕祭酒前 史官
慈溪陳敬宗序

歲寒集目錄

上卷

賦

瑞應景星賦

瑞應龍馬賦

著堂臺賦

頌

宣德八年元夕賜觀燈頌

瑞應麒麟頌

說

揀鉛者說

鉛粉說

義驚說

記

歲寒集目錄

教學齋記

靜齋記

思親堂記

壽椿堂記

上蔡書院謝顯道先生祠堂記

康山忠臣廟記

鐵柱延真宮許真君銅像記

龍門記

攬秀樓記

友竹軒記

味琴軒記

醉琴軒記

思親堂記

是軒記

序

文公先生集重刊序

范氏族譜序

徐氏族譜序

劉氏族譜序

送刑科左給事中李公序

送李太參序

送虞景益序

武定州知州黃景暘輓詩序

贈山西副使劉公文中赴任序

贈馬行春序

論

漢高祖過魯以太牢祠孔子論

辭

啓母石辯

對

牧羊者對

祭文

歲寒集目錄

謂協忠廟文

遣蝗文

瑞安進兵祭旗壽文

莒岡營合祭風雲雷雨旗壽文山川城隍諸神文

處州府進兵誓師文 祭溫處境內山川諸神文

祭先師林公文

墓表 誌銘 贊 訓

贈文林郎河南道監察御史倪先生墓表

夫人范氏墓誌銘

封文林郎江西道監察御史許公墓誌銘

浙江道監察御史高公墓誌銘

龍孺人墓誌銘

林先生遺像贊

家訓

下

歌行

瞻星臺

楊烈婦

箕子臺

高氏五節

董孝子

孝烈將軍

銅雀妓

青陵臺

避暑亭

琴鶴軒

言詩

刑部郎中王季通調荊州同知題其所寫竹惜別

題貴州陰陽正街龍岡平易卷

題崇道觀

題祝公榮妻陳氏子崑授崖詩卷

歲寒集目錄

世厚堂

題任月山畫家座馬圖

五言古詩

題四皓奕棋圖

竹軒

題張侍御望雲思親卷

五言律詩

題忠清堂卷十韻

嵩山八詠

新鄭四詠

溫泉

謁康節先生墓

謁二蘇先生墓

謁范文正公墓

謁二程夫子墓

輓夏止善郎中

梅窓讀易

題手澤卷

題西遊勝覽卷

題羅節婦卷

送陳主事兄止善歸清江

題陶金憲山水圖 題周大猷山水四景

題王錦水山水三幅 題恒齋卷

樂善堂 題墨梅

初祖庵 二祖庵

野齋小隱 梅窓讀易

題連江景物十詠 題延平景物八詠

五言絕句

寄劉廷振 墨梅

臨清遇戴道應憲 旅懷

五言排律

宣德九年元夕賜觀燈詩二十韻

七言律詩

戊寅集目錄

饒郡十詠 輓張審理祖元清河郡侯

琴月軒 耕樂軒

卧龍岡 漢高祖臺

畫卦臺 報鞋山

平江伯陳恭襄計開悼 失柱石之臣

怡怡軒 題魯恭政菜園

具慶堂 綠筠軒卷

哭刑部段亞卿 奉節思親

茅屋讀書處 一貞堂

輓河南張憲副 洪熙元年歸省

慈親壽口 九老圖

四老圖 胡節婦

嘉言規益詩卷 昭慶堂卷

送河南都司所事湯太初考績回任

悼大猷張翼齋 送茶陵知縣程銘復任

送李典寶致仕 輓苑母張太孺人

和俞事鄭雅言恩榮倡和詩

送尚寶少卿袁忠徹歸祭祖

悼薛郎中常生 送僧弘此宗住正覺寺

送程先生之清江 送甘主事兄歸南昌

輓吳先生 送張弘敬之任建安縣丞

送程主事榮歸祭祖 送陳主事俊歸祭祖

送傅主事榮歸 楊大猷遜之夫婦來輓

送陸郎中出守德安 送張真人懋承還

歲寒集目錄

送陳古訓乃子還鄉 和劉求樂所寄詩

封吏部右侍郎鄭公兄弟繼歿寄輓

送蔡天錫還鄉 送月秋江和尚

友愛堂 會稽虞氏族譜

封監察御史邵梅逕以鑒鳴卒賦詩

和劉教授先生韻 著草臺

輓桂平尹趙原彬 古山四詠

輓宋廷圭父竹軒翁 呂崇洪

冬至 正統八年歸省慶母八十

使者傳 命至家陞浙江左布政使

悼吳主事 輓張侍御父

為延慶觀道士陳志清題手卷三首

送教諭賓克文先生奉母柩歸葬廣西

悼黃太宰之子元凱

同寅參議金華邢公乃壻回述懷四首求賡并韻

輓俞郎中父 汝寧開元寺詠雪

武餘軒 輓劉黃門父

輓郭黃門母 贈考試官丁學正澄

贈考試官李訓導繼 諫番陽馮處士

金山寺十詠 輓安陸州判張真

悼月坡 霜臺十詠

輓王黃門父 贈括蒼副都紀葉維朴

題妙成觀漱蓬亭和劉伯溫韻

輓吳資源處士 重過無州

重過金華

輓杜黃門父 遊鶴家寺和祝侍御詩前

巾峯寺 與陳郎中景茂別

題紫虛觀和劉伯溫韻 歲春峽

輓徐處士 輓竹軒

七言絕句

題達磨禪師面壁影 青菴峯

黃蓋峯 浮丘峯

三鶴峯 萬歲峯

玉鏡峯 獅子峯

虎頭峯 起雲峯

麻屋峯 金臺峯

玄龜峯

會仙峯

子曾峯 王柱峯

老翁峯 玉女峯

獨秀峯 積翠峯

太白峯 鷹犬城

東昏臺 子房墓

寄衣 題山水四幅

畫梅 雙喜圖

屈原圖 赤壁圖

樟潭十景

附錄

求仁政遺思簡

仁政遺思七言排律

五言律詩 楊文懿公贈南京御史沈澄之序

郡誌 神道碑銘

歲寒集上卷

賦

瑞應景星賦

聖皇臨御兮統一華夷繼體

三聖兮端拱無爲賢能任使兮文恬武熙聲教漸被兮
易風移禮本陰而樂本陽兮極制作之合宜功必賞而
過必罰兮謹法令之無私禮

郊社與

禘嘗兮感

神聖之格思崇天下之

榮養兮隆

至孝於

母儀以至

仁恩溥兮八表海內安兮均慶至

上天兮感格自下民兮視聽人心悅兮氣和

天道順兮瑞應乃宣德癸丑仲秋之夕天宇廓清圓體一

碧爰有雲氣間以青赤中合三星狀如半月懸象夫門

揚輝

帝闕映五星而絢綵兮兩曜而增光繞黃道於西北拱紫

微於中央軒轅時出於攝提堯舜時出於翼房曠屢代

而莫覩臻斯世而爲祥調元氣於北辰開壽域於南極

應前星而介福耀文昌而出色以啓文明之運以昌有

道之國靈臺占瑞上達

宸盼群臣稱賀

聖德謙冲綸音渙發

勅戒臣工知致祥之不易思體天之惟難同一心而欽若
加上帝之覽觀毋自矜而漸忽圖長治而久安況付畀
之甚重荷保佑之兼至惟克盡於人事庶可答於

天意顧上下之同德永有光於靈瑞於是群臣舞抃而載

歌曰洋洋兮

聖謨風夜欽承兮補報天一人一理兮相感全光昭道

德兮與三五同符仰

聖明於九重兮效三祝而高呼一祝壽兮

萬萬歲二祝富有兮四海無際三祝

聖子神孫兮傳

皇祚於萬世

瑞應龍馬賦

欽惟

聖明尊臨萬國體

天道立人極四時和祥生殖感至和之上瑞應

至聖之大德是以乾陽運化房星降精孕靈西土發光

微風起雲合電飛震驚露露瑞斯啓神駒攸生維此神駒

挺雄姿之超越凝皓彩之輝煌耳如簡而捲雪鬣拂絲

而飛霜頂骨隆而蓬秀肉尾垂而垂常毛髮生而有倫

鱗次列而成章栗川嶽之靈氣開宇宙之禎祥若乃朝

刑璽臺暮浴瑤池濯濯玉體矯矯龍儀騰身雲路騁

天堦光依

玉輅影動龍旂耀瑞日而玉立迴祥飈而香隨曾見

於古昔欣再觀於今茲豈直超冀群之良邁純種之可也哉彼飛黃茲白駒駢騏驎八俊九逸才美各異一日十里足力可至固駁骨之難得逸氣之莫比孰若龍馬之乘時應我

聖皇之在位本之孝誠達之仁義肇四海之隆平開一統之盛治繼

三聖而有光岳

萬葉而無替若此之靈合景星慶雲於一機同麒麟鳳凰於一致真有以符榮河之圖而協義鳥之瑞也廷臣歡

忭而稱賀
玉音宣布而謙冲不以瑞至而自滿所冀民安而歲豐千以見

歲東愛民之至圖治之隆體

祖宗而同德參

天地而同功所以召靈物之畢至延壽福之無窮顧小臣之愚陋幸曠世之遭逢遙瞻

天而載拜謹獻頌於九重頌曰

聖德巍巍 至治熙熙 致祥為宜 神駒其龍

動合雲從 靈慶所鍾 厥靈昭昭 其來遙遙獻于天朝 維色之純 所性之馴 應德之仁 維德所孚

允協瑞圖 太平之符 貞符自

天

聖壽萬年

皇作綿綿

著草堂賦

彙余幻以讀易兮知求卦之樸著顯象數以示人兮實神物之所為得生數於圓穹兮得成數於厚土諒生成之不已兮托靈根於何所青雲以遠覽兮獨慨想夫三古感天地之交泰兮依日月之清光挾風雷以順動兮通山澤以徜徉按圖畫以冥搜兮期有契於圓方探理數於河洛兮索韋編於洙泗懷幽思於姜里兮想姬旦於夢寐歲幾周而無所得兮嗟未遂余初志過大昊之墟而暫憩兮遇上蔡翁而問之曰著草之有堂兮從太古其在茲高兩仞而突兀兮方半畝而坦夷並卦臺以列峙兮原易通於皇義匪幽贊於神明兮同賴蕭其

歲東集上

四

誰知恒根芽之發育兮隨氣運之盛衰適遭世之和平兮觀靈苗之茂植滿叢科於百莖兮長脩莖於十尺誠曠世之嘉應兮表

皇道之有得或異形之未見兮類物象之希奇有似龍頭之大矯兮間以鳳尾之參差覆之以五色之雲兮守之以千歲之龜折枯莖於素秋兮韜精藏於靜室爰有事而告之兮宜齋戒而精一數五十以為用兮自圖書而衍出虛一以象太極兮分二以象兩儀掛一以象三才兮操四以象四時因餘數以象閏兮復於劫而歸奇始四營而成一變兮妙不測於兩手至三變而成爻兮見陽奇而陰耦因老變而少不變兮故用六而用九十八變而成卦兮備六爻之始終明得失於將來兮使人知